

کلمہ طیبہ

اون بش کونده بر نشر اولنور دینی ، علمی مجموعه اسلامیه در

صاحب و مدیر مسئولی

ابو العلا زین العابدین

تاریخ تاسیسی

۱۳۳۰

عدد : ۳ ۲۹ جادی الاولی سنه ۱۳۳۰ پنجشنبه ۳ مایس ۱۳۲۸ برنجی جلد

[رساله ده مندرج مقاله لک و بتون یازیلک حقوق ، (حق تألیف قانونی) موجب مجع معفوظدر .]

تفسیر تشریف انواران

۵۸ — وَ اِذْ قُلْنَا اَدْخُلُوْا هٰذِهِ الْقَرْيَةَ فَكُلُوْا مِنْهَا حَيْثُ شِئْتُمْ رَغَدًا وَاَدْخُلُوْا

اِلَیْهَا سُبْحًا وَّقُولُوا حِطَّةٌ نَّغْفِرْ لَكُمْ خَطَايَاكُمْ وَسَتَزِدُّ الْمُتَحَنِّنَ

و تخطر ایڈک بز سزه بویه دیمشیدک : شو قریه داخل اولوب اوراده ایستدیککنز
بردن وسعت ورفاه ایله اکل و تناول ایڈک و ساجد اوله رق قیودن کبرک [جناب رب عزته
خشوع ، امر الهمسنه خضوع و افتیاد ، عظمت و جلال ایله نعم و کرمی تفکر و ملاحظه
ایلمه رک دخول ایڈک] و [نیاز من] حطه در دییک [یاربنا بزدن صادر اولان تقصیرات
ایله کفران نعم خطایاسنی عهده عصیانمزدن حط و تنزیل ایله دیه دعا ایڈک] که خطایا کزنی
عفو ایدهم . محسنارک [اییلک ایدنارک] مکفاتی بز آرتوریرز .

صاحب قاموسك بصائرده بیاننه كوره قریه ناسك بطریق السكنی اجتماع ایتزكری
مجلدن عبارتدر ، بناء علیه شهر ایله کویدن اعمدر ، لكن عرفاً کویده استمالی شاعدر .
مع مافیه بوراده قریه ایله شهر وقصبه مراددر ، چونکه انسانه آرزو ایتدیکی وجه ایله
حضور ورفاه انجیق حضارتی واسع بولنان شهرلرده میسر اولور . بوراده قریه ایله هانکی
قریه مراد اولدیغنده اختلاف اولنوب جمهور مفسرین بیت المقدس مراد اولدیغنه ذاهب
اولدی ، بعضیلری ده بیت المقدسه قریب اولان « اریحا » مراددر دیدی . بنی اسرائیل
برچوق بلدهلره دخول ایتمکه مأمور اولمشلر ایدی . وحین دخولده خضوع وخشوع
ایتملری کندیلرینه امر ایدیلور ایدی . قرآن کریم دخولی امر اولنان قریه نی تعیین
بیورمیور .

سجود ایله بومقامده مراد ، اثناء تفسیرده اشارت ایدلدیکی اوزره جناب حقه خضوع
وخشوع ایتمک وعظمت وجلالی ونعم وکرمنی ملاحظه ایلکدر . شیخزاده مرحوم قاضی
بیضاوی حاشیه سنده بعضیلرینک « سجداً » قول کریمنی معنای شرعیسنه حل ایله مراد
زمینه وضع جباه ایتمکدر دیدیکی نقل ایلدکدن صکره : بومعنی بعیددر ، چونکه قول
مذکور « ادخلوا » دن حالددر ، اگر سجود اومعنایه حل اولنسه بنی اسرائیلک وجهارینی
یر اوزرینه قویهرق داخل باب اولملری اقتضا ایدرکه متصور دکلددر ، مکرکه « سجداً »
ماضی معناسنه انهرق ویاخود حال مقدره قییلندن عد اولنهرق تکلف اختیار ایلنیش
اولسون دیور . افصح الکلام اولان کلمات اللهده بو مقوله تکلفات اجراسنه ذوق بلاغت
عطف نگاه التفات ایتیه جکنه ومعنای شرعیجه صورت سجود سکون اولوب دخول ایسه
حرکت اولدینی جهتله هرایکیسی بربرده اجتماع ایدهمیه جکنه مبنی سجودک بوراده معنای
شرعیسنی مراد ایتمک صحیح دکلددر .

« حطَّ » کلمتنک اعراب ومعناسنده اختلاف اولنهرق وجوه عدیده ایله توجیه وتفسیر
ایدلمشسده اثناء تفسیرده اشارت ایدلدیکی اوزره کلمه مذکورنک مبتدای محذوفه خبر
اولهرق مرفوع اولسی وثقل خطایانک حط وتخفیفنی طلب معناسنه دعادن عبارت بولمنی
ترجیح اولمشدر .

۵۹ - فَبَدَّلَ الَّذِينَ ظَلَمُوا قَوْلًا غَيْرَ الَّذِي قِيلَ لَهُمْ فَأَنْزَلْنَا عَلَى الَّذِينَ ظَلَمُوا رِجْزًا مِنَ السَّمَاءِ بِمَا كَانُوا يَفْسُقُونَ

ایمدی ظلم ایدنار [امر اولندقاری قولى] کندیلرینه سویلنمش اولانه مغایر بر قوله تبدیل ایتدیلر [توبه واستغفار معانسه اولان بر سوز ایله امر اولنمشار ایکن انلر او سوزک یرینه بشقه برسوز قویدیلر که بو قویدقاری سوزک معناسی امر اولندقاری سوزک معناسی دکلدیر ، انک معناسی شتهی بولندقاری حظوظ فانیة دنیایی طلبدیر . الحاصل مأمور اولدقاری سوزک یرینه بشقه برمعنایه دلالت ایدن دیگر بر سوزی وضع ایدرک بزه امر اولنان سوز بودر دیدیلر و بو وجه ایله امره مخالفت ایلدیلر . بنی اسرائیلک وضع ایتدکلری سوزحقنده روایات مختلفه واردر ، آرزو ایدنار مفصلات تفاسیره مراجعت ایتسونلر] . بزده او ظلم ایدنلرک اوزرلرینه ایتمش اولدقاری فسقلری سببیل [طاعة الهمدن خروج الهملری حسیله] سمان [تقدیر اولنمش شدید وهولناک] بر بلیه وعقوبت ازال ایتدک .

آیت کریمه ده ذکر اولنان « رجز » ک نوعی تعیین بیورلماش ایسه ده اکثر مفسرین انکله طاعون مراددر دیمشار . روایته کوره او زمان بنی اسرائیل آره سنده طاعون ظهور ایله بر ساعتده یکرمی درت بیک کشی وفات ایتمش . جناب حق بنی اسرائیل نیجه دفعه طاعونه مبتلا ایتمش اولدینی کبی انواع ظلم و فسقلرندن هر بنوع ظلم و فسقلری عقبنده دخی انلری ده ا نیجه نیجه نکبت و مصیبتلره دوچار ایش و بو عقوبتک اک شدید اوله رق اوزرلرینه ام واقوام جهانی تسلیط ایتشدیر . فاعتبروا یا اولی الابصار .



۶۰ - وَإِذْ أَسْنَفْنَا مُوسَىٰ لِقَوْمِهِ فَقُلْنَا اضْرِبْ بِعَصَاكَ الْحَجَرَ فَانْفَجَرَتْ مِنْهُ اثْنَتَا عَشْرَةَ نَجِيًّا قَدْ عَلِمَ كُلُّ أُنَاسٍ مَّشْرَبَهُمْ كُلُوا وَاشْرَبُوا مِنْ رِزْقِ اللَّهِ وَلَا تَعْمُوا فِي الْأَرْضِ مُغْسِدِينَ

[بونظم جلیل ، بنی اسرائیلک هجرتلرنده کی حاللرندن بر دیگر حال ایله انشاء هجرتده حققرنده ظهوره کلن عنایت الهی بنی بیان بیوریور . بنی اسرائیل صحرای تهده صومزلقدن

بیتاب دوشدکاری زمان دونوب موسایه سن بزی ا کینلری چنزاری فراوان ، میاهی سریع الجریان اولان ارض مصردن چیقار دک ، صودن اوتدن خالی بر ویابانه سورکله دک دیه خطاب عتاب آمیزه باشلادیلر . دوچار اولدقلاری هر مضایقه زماننده دخی کندیسینه برلکده مصردن چیققلرندن طولانی حضرت موسایه امتنان ایله علناً اظهار ندامت ایدرلر ایدی . بونک اوزرینه موسی علیه السلام جناب پروردکاردن نیاز واسترحام ایتسیله کندیسینه صحرای یهدن بر حجره عصاسیله اورمی امر اولندی . حضرت موسی بحر احمره اورمش اولدینی عصاسیله او طاشه اوردی . طاشدن اسباط بنی اسرائیل عددنجه اون ایکی پیکار فیشقردی . ایشته بو قصهیه اشارت ایله شویله بیوریلور : [اول دمدکه موسی قومی اینچون استسقا ایدی [انلر اینچون بزدن سو نیاز ایدی] دیدککه [یاموسی] عصاک ایله حجره اور . [موسی حجره اورمسیله] اون ایکی پیکار فیشقردی . هر سبط کندینه مخصوص اولان پیکاری بیلدی [اورادن اینچوب دیگر سبطک پیکارینه کتمدی . قصه نك بورایه قدر اولان جهتی بو طرز اوزره حکایه بیورلدقن صکره شمعی بنی اسرائیلک بونعمت اینچنده کی حاللری واثاء مهاجر تارنده احسان اولنان وسعت ورفاه معیشتدن کندیلر نده حصوله کلن ذوق و سرور لری تصویر اولنقی مراد اولنورده خطابی ایشیدنلر او قومی ذهالننده استحضار ایتلری وکویا اوقوم الآن حاضر ایمشارده کندیلرینه خطاب توجیه اولنورمش کبی انلرک مظهر اولدقلاری نعمتدن طولانی ذوق و سرور لری سامعین کوز اوکنه کتیرملری اینچون کچمش بر حالدن امر صیغمسیله تعبیر ایدیلرک شویله بیوریلور : ای اسباط بنی اسرائیل [اللهک سزی مرزوق ایلدیکی اشیادن اکل و شرب ایدک ومفسد اولوبده روی زمینده نشر فساد وخبائث ایتیمک] نشر فساد ایله شرور ومفاسدده خلقه پیشوای بدکار اولمک] .

۱ . الحجر ، کلمه قدسیمننده اختلاف اولنوب بعضیلری حرف تعریفی عهد خارجییه حل ایله حجر معلومه اشارت اولدیفته ذاهب اولدیلر . بعضیلری ده حرف تعریفی عهد ذهنییه حل ایدرک غیر معین برطاش مراددر دیدیلر . حسن بهری حضرتلرندن مرویدرکه جناب حق موسی علیه السلامه بعینه بر حجره اورمسی امر ایتدی دیمش و بونک هجت واعجازده وکمال قدرتی افاده خصوصمنده دها ظاهری و باهری اولدیغنی بیان ایش . سفر خروجده بو حجردن صخره تعبیر ایدلشددر .

صو اسباط بنی اسرائیل عددنجه اون ایکی کوزدن قابنایه رق هر سبطه بر بیکار تخصیص و عنایت بیورلمسندگی حکمتی بیان ایدنلر ، هر سبطه بر قایناسق تخصیص اولمییوبده جمله اسباط بر یردن صو المنه مجبور اولایدیلر قوم موساده کی کثرته مبنی بینلرنده مشاجره و منازعه و قوعه کلور و بلکه بر فتنه عظیمه ظهورینه بادی اولوردی دیمشالردر .

هر وسیله نایجا ایله فتح دهان جهل و نادانی ایدن اعداء قرآندن بر چوقلاری قرآنده ذکر اوانسان قصص و وقایعه ترتیب یوق دیه انتقاد ایدیلرلر و بوراده دخی استسقا و ضرب حجر کیفیتلری وقائع تیهدن اول و قوعه کلش ایکن وقائع مذکورده دن سکره ذکر اولنمش دیورلر . حالبوکه استسقاء کیفیتی نیجه زمان امتداد ایدن جولان تیه وقائیی ارسندمه ظهوره کلیوبده اقدنجه و قوع بولمش اولدینی اولامسلم دکل ؛ ثانیاً هایدی تسلیم ایدلم که وقوعی مقدمدر ، ینه بوانتقاد جهل آلود وارد دکل ، چونکه قرآن کریمده قصص انبیا و اممی ذکر دن مقصد تاریخ یازمق و وقائیی ازمئه و قوعنه کوره مرتب اوله رق سرد ایتمک اولمیوب انجق مراد انلر حقنده رایکان اولان نمترلر ایله کر قنار اولدقلری مصائب و بلیاتدن هر برینی علل و اسبابنه متصل اوله رق بیان ایله بواحوالدن عبرت اله رق نعمت و سعادتلری او اسبابدن طلب ایتمک و اسباب نکبت و ادباردن توقیه ارشاد ایلمکدر ؛ سوق وقائعدن مقصد بواولنجه او وقائیی نصح و پندده الک بلیغ و اذهان و قلوبه الک مؤثر بر طرز بیسانده ایراد ایلمک ایجاب ایدر .

برکت زاده اسماعیل حق

